

die straffellige/ mit allem fleis procediren vñnd
verfahren/ Auch derowegen kein geschenck / oder
einigen nutz/ durch mich selbst/ oder andere/ neme/
oder jemandes von meinet wegen nemen lassen/
vñnd sonst alles thun wil / was mir dieses
Amteshalben zu thun gebühren/ vñnd obliegen
wil/ Alles getrewlich/ vñnd vngesehrlich.

Von den Boten.

DAmmit die Citationes vñnd
andere Proces, desto richtiger insinuiret,
Sollen hierzu drey Boten bestellet werden / wel-
che Erbar / Glaubhafftig / auch schreiben vñnd
lesen können/ vñnd fürnemlichen darauff warten/
das sie solche Proces, den Partheien gebürlichen
insinuiren.

Vñnd sollen derwegen dieselben/ die Ladungs-
brieffe/ vñnd andere Proces, den jenigen/ wieder die
sie außgehen / im fall/ do sie zu betreten/ selbst inn
ihre hende / wo nicht / jedoch in ihre gewöhnliche
behausung oder wohnung/ oder wie es inen son-
sten von dem Gerichts Secretario befohlen wird/
zu rechter zeit/ vor dem bestimbten Termin/ ober-
antwort